

畿輔通志卷二百十二

列傳二十 元二

元

保定府

田喜

郭希泰

翟文彬

劉贊

張季

苑德

張宏略

張宏範

苟宗道

焦德裕

父用

郭宏敬

賈文備

王實喇

子宏

甯

王恂

父良

賓

劉好禮

尙文

史弼

張珪

王庭玉

許維楨

王壽

尙野

劉因

劉英

梁師安

王綱

劉仲祥

梁至剛

李謙

封從植

忽都不花

子訥懷

郭貫

解誠

子汝楫
孫特爾格

陳彥

子肯堂

郝天挺

父哈尙巴圖爾
孫忠恕

子佑

李仁祐

韓若愚

劉廷直

李洽

王蒙

郭克明

董珪

王貞

李齊

丁好禮

王好德

劉士

董志

韓善

張彥文

胡炳南

耿德溫

張行一
張勛

王庸

汪澤民

齊克中

何源

劉源

張正

張震

王宗哲

賈屋 呂允中

耿煥

孟居仁

王思宗

呂顯宗

魏敬益

田子中

鄭慶 子德鄰

苑誠

穆茂

郭祥

劉智

賈秉實

劉德和

張克讓

承德府

何實 曾祖搏霄

伊喇聶呼 子邁努
孫元臣

石天應 姪佐中
佐中子安

琬

劉亨安 兄世英
族兄德仁

趙振玉

張庭珍 弟庭瑞

趙炳 父宏

巴圖爾 兄馬達刺
蘇子巴

濟拉

王克敬 子時

崔敬

劉廷讓

孫秀實

舒穆魯昌齡 張洪
範

元

保定府

田喜清苑人元兵破保州下令老者盡殺喜欲代父死潛伏父軀以手據地延頸以待兵以刀刺其頸死而復甦後二日令再下無老幼盡屠時喜被選行次安肅聞父死逃回求屍負以渡河冰傷脛血出發母塚葬而還

保定府志

郭希泰清苑人性孝友嘗營樓居或謂君有弟樓可二楹他日易析也希泰謝曰兄弟天倫兄有卽弟有也奚分爲言者

歎服

雍正志

翟文彬滿城人隸張柔麾下屢立戰功中統中佩金虎符鎮

守均州授南京安撫使

雍正志

劉質滿城人隸張柔麾下討賈瑀降郭收攻完州及西山諸

寨力戰有聲累官武略將軍

同上

張季

案滿城縣志張理字道元尹宜陽事蹟皆同疑是一人理季二字必有一謫

保定滿城人爲

宜陽尹訪民休戚推誠勸勉不事鞭笞朱幾野無惰農當金
亡孔子廟廢季復構置延師儒擇民間子弟教之風俗爲變

河南
通志

苑德字順道清苑人

清苑縣志作范德

剛毅有力金末領衆十五萬

歸張柔助築郡城有功

保定府志

復疏決舊渠引鷄泉灌城中居

民戴之

清苑縣志

張宏略字仲傑易州定興人忠武王柔第八子也少有謀略

通經史善騎射嘗從柔鎮杞徙毫乙卯入朝憲宗授金符權

順天萬戶從征蜀以其幼賜錦衣令還鎮柔致仕授宏略金

虎符順天路管民總管行軍萬戶仍總宣德河南懷孟等路

諸軍屯亳者中統三年李璫反求救於宋將夏貴貴自蘄乘
虛北奪亳滕徐宿邳滄濱七州新蔡符離蘄利津四縣殺守
將宏略率戰船過於渦口貴退保蘄宏略發亳軍攻之水陸
並進宋兵焚城宵遁追殺殆盡獲軍資不可計盡復所失地
李璫旣誅追問當時與璫通書者獨宏略書皆勸以忠義事
得釋朝廷懲璫叛逆務裁諸侯權以保全之因解宏略兵職
宿衛京師至元三年城大都佐其父爲築宮城總管八年授
朝列大夫同行工部事兼領宿衛親軍儀鸞等局十三年城
成賜內帑金釵珥玕卮授中奉大夫淮東道宣慰使十四年
宋廣王昺據閩廣時東海縣儲粟數萬行省檄宏略將兵二
千戍之仍命造舟運粟入淮安宏略顧民舟有能載粟十石
者與一石人爭趨之一月而畢十六年遷江西宣慰使會饒

州盜起犯都昌宏略以爲饒雖屬江東與南康止隔一湖此
寇不滅則吾境必有相扇而起者乃使人直擣其巢穴生縛
賊酋於市餘黨潰散下令曰不操兵者皆爲平民餘無所問
頃之以疾歸二十九年見世祖於龍虎臺使子玠備宿衛帝
特命宏略爲河南行省參知政事元貞二年卒贈推忠佐理
功臣銀青榮祿大夫平章政事上柱國蔡國公諡忠毅子三

人玠瑾琰

元史

張宏範字仲疇

案元詩選作河內人與元史異

忠武王柔第九子也善馬槊

頗能爲歌詩年二十時兄順天路總管宏略上計壽陽行都
留宏範攝府事吏民服其明決蒙古軍所過肆暴宏範杖遣
之入其境無敢犯者中統初授御用局總管三年改行軍總
管從親王哈必齊討李璫於濟南營城西璫出軍突諸將營

獨不向宏範宏範曰我營險地瓊示弱於我必以奇兵來襲
遂築長壘內伏甲士而外爲壕開東門以待浚壕益深廣瓊
不知也明日果擁飛橋來攻岸軍陷其得陵壕上者突入壘
門遇伏皆死降兩賊將瓊旣誅朝廷懲瓊專兵民之權故能
爲亂議罷大藩子弟之在官者宏範例罷至元元年授順天
路管民總管佩金虎符二年移守大名元史未上微服行民間
察所患苦見倉吏收民租視所當輸倍蓰視事首治之民大
悅虞集撰廟堂碑歲大水漂沒廬舍租稅無從出宏範輒免之朝廷
罪其專擅宏範奏曰今歲水潦不收倘必責民輸倉庫雖實
而民死亡殆盡明年租將安出曷若活其民使不致逃亡則
歲有恆收矣帝嘉其知體勿問六年括諸道兵圍宋襄陽授
益都淄萊等路行軍萬戶佩金虎符戍鹿門堡以斷宋餉道

且絕郢救兵宏範建言曰國家取襄陽爲延久之計者所以重人命而欲其自斃也然其境南接江陵歸峽商販行旅絡繹不絕甯有自斃之時乎宜城萬山以斷其西柵灌子灘以絕其東則庶幾速斃之道也帥府奏用其言移宏範兵戍萬山既城與將士較射出東門宋師奄至眾欲退宏範曰吾與諸君在此何事敵至將不戰乎卽擐甲上馬立遣偏將李庭當其前他將攻其後親率二百騎爲長陣令日聞吾鼓則進未鼓勿動宋軍步騎相間突陣宏範軍不動再進再卻宏範曰彼氣衰矣鼓之前後奮擊宋師奔潰八年築一字城逼襄陽破樊城外郭九年攻樊城流矢中其肘裹瘡見主帥曰襄樊相爲唇齒故不可下若截江道斷其援兵水陸夾攻樊必破矣樊破則襄陽無所恃從之明日出銳卒先登拔之襄陽

降以宋將呂文煥入覲賜錦衣白金寶鞍將校行賞有差十一年丞相巴延伐宋宏範率左部諸軍循漢江東略郢西南取武磯堡渡江宋相賈似道督兵阻蕪湖殿帥孫虎臣據丁家洲宏範轉戰而前諸軍繼之宋師潰長驅至建康十二年五月帝遣使諭巴延駐兵少待宏範進曰聖恩待士卒誠厚然緩急之宜非可遙度今敵已奪氣正當乘破竹之勢取之豈宜迂緩使敵得爲計耶丞相然之馳詣闕面論形勢得旨進師遂移次瓜州宋都統姜才帥勁兵二萬人出楊子橋宏範佐都元帥阿珠禦之與宋兵夾水陣宏範以十三騎徑渡衝之陣堅不動宏範引卻一騎躍馬揮刀直趣宏範宏範旋轡反迎刺之應手斃其眾潰亂追至城南門斬首萬級餘蹂踐溺死者不可計宋將張世傑孫虎臣等率水軍於焦山決

戰宏範以一軍從旁橫擊至圖山東奪戰艦八十艘俘馘無數上其功改亳州萬戶賜名巴圖左丞董文炳由海道會巴延次臨安近郊入城取宋主降表來上十三年台州叛討平之十四年師還授鎮國上將軍江東道宣慰使十五年宋張世傑立廣王昺於海上閩廣響應帝命宏範往平之授蒙古漢軍都元帥陞辭賜錦衣玉帶不受以劍甲爲請帝出武庫劍甲聽其自擇將行薦李恆爲副至揚州選將校水陸二萬分道南征以弟宏正爲先鋒戒之曰選汝驍勇非私汝也軍法重我不敢以私撓公勉之宏正所向克捷進攻三江寨寨據隘乘高兵皆持滿以待宏範令下馬治朝食若將持久者持滿者疑不敢動而他寨不虞也忽麾軍連攻數寨迴擣三江盡拔之至漳州軍其東門命別將攻西南乃乘虛破其北

門又拔鮑浦寨瀕海郡邑皆望風降附獲宋丞相文天祥於五坡嶺使之拜不屈宏範義之待以賓禮送至京師獲宋禮部侍郎鄧光薦命子珪師事焉十六年由潮陽港發舶入海至甲子門獲宋斥候將知廣王所在辛酉次崖山宋軍千餘艘碇海中建樓櫓其上隱然堅壁也宏範引舟師赴之崖山東西對峙其北水淺舟膠非候潮來不可進乃由山之東轉南入大洋始得逼宋舟

案經世大典云宋人以烏蛋船千餘艘大舟之北宏範夜操小艇帶勁兵

潛取之船中皆海民不習戰攻殺靡遺卽取烏蛋船載草乘風縱火宋預以泥塗艦懸水筒無數火船至鉤而沃之竟莫能燬乃與李恆畫圖定計本傳不載謹附於此別出奇兵斷其汲路燒其宮室世傑

有甥在宏範軍中三使招之不從甲戌李恆自廣州至授以戰艦使守北面二月癸未將戰或請先用礮宏範曰火起則舟散不如戰也明日四分其軍軍其東南北三面宏範自將

一軍與宋軍相去里許下令曰宋舟潮至必遁急攻之勿令
得去聞吾樂作乃戰先麾北面一軍乘潮而戰不克李恆等
順潮而退樂作宋將以爲且宴少懈宏範舟師犯其前眾繼
之豫構戰樓於舟尾以布幙障之命將士負盾而伏令之曰
聞金聲則起飛矢集如蝟伏盾者不動舟將鳴金撤障弓弩
火石交作頃刻并破七舟宋師大潰宋臣陸秀夫抱其主梟
赴水死獲其符璽印章世傑走交趾風壞舟死海陵港餘將
吏皆降嶺海悉平磨厓山之陽勒石紀功而還入朝賜宴慰
勞未幾疾作中夜面闕再拜退坐命酒作樂與親故言別出
所賜劍甲命付嗣子珪曰汝父以是立功汝佩服勿忘也語
竟端坐而卒年四十三贈銀青榮祿大夫平章政事諡武烈

謹案元詩
選作武略

宏範素敏悟喜讀書識大義身長七尺修髯如畫

尚氣節敦信義與人交久而益敬剛直自持不爲勢位所屈
丞相巴延至建康大會諸將出庫金行賞宏範後至巴延曰
爾何敢後對曰臨陣未嘗後受賞恥居先何爲不可也巴延
爲之俛首其能片言解疑類如此嘗戒其子曰居官律已廉
慎則公明白生御眾賞罰明則人致力不懷報怨之心怨亦
自釋凡行軍非對敵未嘗妄殺吏卒有病者必親視醫藥死
必轉送其家凡賜與卽頒士卒麾下有功賞或不時得必涕
泣陳說得請而後已故人樂爲用

虞集撰
廟堂碑

歌詩踔厲奇偉據

鞍從橫橫槩醺酒叱咤風生豪快天縱類楚漢烈士語著有

淮陽集

元詩選

至大四年加贈推忠效節翊運功臣太師開府

儀同三司上柱國齊國公改諡忠武延祐六年加保大功臣

加封淮陽王諡獻武子珪自有傳

元史

苟宗道字正甫元史類編保定人弱冠從郝經使宋被留儀真經

授以學遂以儒名家仕至國子祭酒詩文書畫皆有晉唐風

致明一統志郝經贈都事苟正甫詩云接屋連牆受學初

齧子卿羶上雪且傳黃霸獄中書天教三士從重耳返國尊王儁有餘

焦德裕字寬父雄州人正定府志作廣平路井陘人父用仕金由東鹿令

陞千戶守雄州北門太祖兵至州人開南門降用力戰生獲

之帝以其忠壯釋不殺復舊官徇地山東未嘗妄殺一人年

六十二卒以德裕貴追封恆山郡公諡正毅德裕通左氏春

秋少拳勇善射從其舅解昌軍中金將武仙殺史天倪既敗

走其黨趙貴王顯齊福等保仙故壘數侵掠太行太宗擇廷

臣有才辯者往招之楊惟中以德裕薦遂使真定降齊福擒

趙貴王顯亡走德裕追射殺之其地悉平詔賜井陘北障城

田中統四年賜金符爲閬蓬等處元帥府叅議宋臣夏貴圍
宣撫使張庭瑞於虎嘯山實薪土塞水源人無從得飲帥府
檄德裕援之夜薄貴營令卒各持三炬貴驚走追及鷺谿賊
千人獲馬畜兵仗萬計陞京畿漕運使至元六年僉陝西道
提刑案察使事八年轉西夏中興道案察副使十一年從丞
相巴延南征授僉行中書省事遂從下安慶至鎮江焦山寺
主僧誘居民叛丞相阿珠欲盡坑其徒德裕諫止之命德裕
先入城撫定宋平賜予有加平章阿哈瑪特譖丞相巴延殺
丁家洲降卒奏以德裕爲中書叅政欲假一言證成之德裕
辭不拜久之復簽行省事十四年改淮東宣慰使淮西賊保
司空山檄淮東四郡守爲應元帥特爾格邏得其檄卽械郡
守許定國等四人使承反狀德裕言四人者皆新降將天子

既寵綏之有地有民盈所望矣方誓報効安有他覲以疑似
殺四守甯知非反間耶盡復其官拜福建行省叅知政事二
十五年卒年六十九贈榮祿大夫平章政事追封恆國公諡
忠肅子簡餘姚州知州潔信州治中

元史

郭宏敬字彥禮

定興縣志作仲禮

易州定興人父彥成以醕謹勤力

爲張柔所倚任嘗攝行元帥事宏敬性警敏美姿容讀書善
射柔器之以女妻焉丁未授束鹿長庚戌遷易州太守壬子

改完州易人以善政請復爲易州歲甲寅卒

劉因撰墓志銘

賈文備字仲武祁州蒲陰人萬戶輔子幼襲父職從張柔屯
三汊口備宋兵宋以雲梯攻戰卻之憲宗賜弓矢銀盃歲乙
卯復令襲父左副元帥職兼領順天路中統二年升開元府
路女眞碩達勒達等處宣撫使佩金虎符三年遷開元東京